

Admela Hodžić

Zastupnica u Skupštini Kantona Sarajevo

Federacija Bosne i Hercegovine

Bosna i Hercegovina

Kanton Sarajevo

Skupština Kantona Sarajevo

Vlada Kantona Sarajevo

N/r predsjedavajućeg

ZASTUPNIČKO PITANJE

Na osnovu člana 211. Poslovnika Skupštine Kantona Sarajevo („Službene novine Kantona Sarajevo”, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22) postavljam pitanje premijeru Kantona Sarajevo, gospodinu Forti, da nas izvjesti o rezultatima provedenih aktivnosti o inicijativ kojom smo prije 6 mjeseci tražili od Vlada Kantona Sarajevo poduzme sve potrebne aktivnosti kako bi se provela anketa u kojoj bi učestvovalе osobe sa invaliditetom u KS sa jedne strane gdje bi unijeli podatke o obrazovanju, stepenu invalidnosti, koje poslove mogu obavljati i mjesečnim primanjima i sa druge strane prikupili podaci iz ministarstava, javnih preduzeća i javnih ustanova Kantona Sarajevo o svakom 16-om radnom mjestu koje osobe sa invaliditetom sljeduje po Zakonu i koje bi mogle obavljati u tim javnim organizacijama. Radna mjesta kao što su operateri na telefonskim centralama, mjesta fizio terapeutskih tehničara, mjesta za unos i obradu podataka, za inavalidne osobe a naročito za slijepе i slabovidne osobe i sva radna mjesta za koja se osobe sa invaliditetom anketom izjasne da bi mogli obavljati u skladu sa svojim obrazovanjem i sposobnostima, te da javne orgnizacije KS označe kao radna mjesta za koja prioritet pri zapošljavanju nakon ispunjenih općih i posebnih uslova imaju osobe sa invaliditetom prema Zakonu o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH", br. 9/10).

Zastupnici su jednoglasno usvojili ovu inicijativu.

Molim Vas da nas na narednoj sjednici SKS izvjestite o poduzetim aktivnostima.

O B R A Z L O Ž E N J E

Prema Zakon o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH", br. 9/10);

Član 15.

Lica sa invaliditetom zapošljavaju se i rade na tržištu rada pod općim i posebnim uvjetima. Pod općim uvjetima zapošljavaju se lica sa invaliditetom na otvorenom tržištu rada, u državnim organima, organima pravosuđa, organima lokalne uprave, javnim službama, ustanovama, fondovima, javnim preduzećima, privrednim društvima i drugim pravnim licima koja nisu osnovana za zapošljavanje lica sa invaliditetom u skladu sa zakonom. Prednost pri zapošljavanju u subjektima iz stava 2. ovog člana u okviru javnog sektora imaju lica sa invaliditetom, ako pored općih ispunjavaju i posebne uvjete za radno mjesto. Pod posebnim uvjetima zapošljavaju se lica sa invaliditetom u ustanovi ili privrednom društvu koja su osnovana radi zapošljavanja lica sa invaliditetom.

Član 17.

Upućivanje lica sa invaliditetom na zapošljavanje vrši pravno i drugo lice kod kojeg je lice sa invaliditetom u radnom odnosu, a kantonalna služba za zapošljavanje lica sa invaliditetom koja nisu u radnom odnosu.

2. UVJETI ZA ZAPOŠLJAVANJE LICA SA INVALIDITETOM

a) ZAPOŠLJAVANJE POD OPĆIM UVJETIMA

Član 18.

Prilikom zapošljavanja lica sa invaliditetom pod općim uvjetima subjekti iz člana 15. stav 2. ovog Zakona dužni su ta lica zapošljavati srazmjerno ukupnom broju zaposlenih u tom subjektu i to:

do 31. decembra 2009. najmanje jedno lice sa invaliditetom na svakih 39 zaposlenih,

do 31. decembra 2010. najmanje jedno lice sa invaliditetom na svaka 32 zaposlena,

do 31. decembra 2011. najmanje jedno lice sa invaliditetom na svaka 24 zaposlena,

do 31. decembra 2012. najmanje jedno lice sa invaliditetom na svakih 19 zaposlenih,

do 31. decembra 2013. najmanje jedno lice sa invaliditetom na svakih 16 zaposlenih.

Subjekti koji ne ispune obavezu iz stava 1. ovog člana dužni su mjesečno pri isplati plaća obračunati i uplatiti u Fond za podsticanje rehabilitacije i zapošljavanja lica sa invaliditetom

novčani iznos u visini 25% od prosječne plaće u Federaciji za svako lice sa invaliditetom koje su bili dužni zaposliti u skladu sa stavom 1. ovog člana.

Sarajevo, 27.01.2023. godine

Admela Hodžić

zastupnica